



Republika e Kosovës
Republika Kosova-Republic of Kosovo
Qeveria –Vlada-Government

*Ministria e Arsimit, Shkencës, Teknologjisë dhe Inovacionit/
Ministarstvo Obrazovanja i Nauke, Tehnologije i Inovacija / Ministry of Education, Science,
Technology and Innovation*



DATË/A:	01.07.2025
REFERENCË:	3/2497
PËR/ZA/TO:	Drejtoritë Komunale të Arsimit (DKA)
CC:	
PËRMES/PREKO/THROUGH:	
NGA/OD/FROM:	Anita Kadriu, Drejtoreshë e Departamentit për Arsimin Parauniversitar Lah Nitaj, Drejtor i Departamentit për Arsimin dhe Aftësimin Profesional
TEMA/SUBJEKAT/SUBJECT:	Kushtet dhe kriteret e regjistrimit të nxënësve në klasën e (10) në Gjimnaze dhe Institucionet e Arsimit dhe Aftësimin Profesional (IAAP)

Të nderuar drejtorë komunal të arsimit,

Ministria e Arsimit, Shkencës, Teknologjisë dhe Inovacionit (MASHTI) në kuadër të përgatitjeve për fillimin e vitit të ri shkollor 2025-2026, ka përgatitur “Kushtet dhe kriteret e regjistrimit të nxënësve në klasën e (10) në Gjimnaze dhe Institucionet e Arsimit dhe Aftësimin Profesional (IAAP)”.

MASHTI ka përcaktuar afatet për publikimin e konkursit dhe afatet e regjistrimit të nxënësve në kl. 10, në Gjimnaze dhe Institucionet e Arsimit dhe Aftësimin Profesional (IAAP).

Konkursi do të publikohet nga **Drejtoritë Komunale të Arsimit në komunat përkatëse.**

Obligimet e DKA dhe MASHTI:

- Planifikimi duhet të dorëzohet në MASHTI për të dy afatet (konkursi për afatin e parë dhe të dytë).
- Kërkesat për drejtime dhe profile të reja duhet të bëhen në MASHTI (në departamentet përkatëse).

- DKA-të të formojnë komisionet profesionale dhe përkatëse për regjistrimin dhe pranimin e nxënësve në klasën e dhjetë (X).
- MASHTI do të bëjë monitorimin e procesit të regjistrimit dhe pranimin të nxënësve.

Kriteret dhe kushtet për regjistrim për vitin shkollor 2025-2026:

- Shpallja e konkursit më datë **07.07.2025** nga DKA-të;
- Dorëzimi i dokumenteve më **08, 09 dhe 10** korrik 2025
- Shpallja e rezultateve më **11.07.2025**
- Shpallja e konkursit plotësues në muajin gusht për vendet e lira më datë **19.08.2025**
- Dorëzimi i dokumenteve për konkurs plotësues më datë **19, 20 dhe 21 gusht 2025**
- Shpallja e rezultateve për konkurs plotësues më **22.8.2025**

Konkursi shpallet edhe në gjuhët e komuniteteve në komunat ku organizohet mësimi për komunitete.

Konkursi shpallet bazuar në Ligjin për Arsimin Parauniversitar në Republikën e Kosovës Nr.04/L-032, Ligjin për Arsimin dhe Aftësimin Profesional Nr. 04/L-138, si dhe në Udhëzimin Administrativ Nr.22/2013, Numri maksimal i nxënësve për klasë dhe raportin mësimdhënës nxënës.

Sqarim: Drejtimet për gjimnaze shpallen sipas Kornizës së Kurrikulit të Arsimit Parauniversitar të Republikës së Kosovës (KKK).

Kushtet dhe kriteret:

1. Kushtet e përgjithshme për regjistrimin e nxënësve të rregullt

Për regjistrimin e nxënësve në klasën e 10-të, në gjimnaze dhe IAAP në vitin shkollor 2025-2026, mund të konkurrojnë kandidatët të cilët e kanë mbaruar arsimin e obligueshëm dhe nuk janë më të vjetër se 17 vjeç.

Nxënësit të cilët e kanë mbaruar klasën e 9-të jashtë Kosovës, obligohen ta bëjnë njohjen e dëftesave në MASHTI dhe pastaj të konkurrojnë për regjistrim.

2. Dokumentet e nevojshme për konkurrim

Nxënësit për të konkurruar për regjistrim në klasën e 10-të në gjimnaze dhe IAAP, duhet të dorëzojnë këto dokumente:

- Fletëparaqitjen (e cila merret në shkollën në të cilën konkurron)
- Dëftesën origjinale për kryerjen e shkollës së mesme të ulët (6-9) dhe
- Certifikatën e lindjes

3. Afati i paraqitjes së dokumenteve dhe shpallja e rezultateve

Paraqitja e dokumenteve në gjimnaze dhe IAAP për vitin shkollor 2025-2026, bëhet me datën 08. 09 dhe 10 korrik 2025, në lokalet e shkollës amë, ku nxënësi dëshiron të regjistrohet duke filluar nga ora 8.00-16.00.

Rezultatet për pranimin e nxënësve shpallen në shkollat përkatëse me datën 11.07.2025.

Kthimi i dokumenteve për nxënësit, të cilët nuk janë pranuar do të bëhet prej datës 11.07.2025.

Nxënësi i pakënaqur me rezultatin e publikuar, ka të drejtë ankese brenda (2) dy ditë pune, nga koha e shpalljes së rezultateve.

Ankesa parashtrohet në drejtorinë e shkollës. Ankesat në shkallën e dytë behën në Drejtorinë Komunale të Arsimit brenda (2) dy ditë pune, pas pranimit të përgjigjes nga shkolla.

A. Kriteret për regjistrim

Nxënësi për regjistrim në klasën e 10-të duhet t'i plotësojë këto kriteret:

- | | |
|---|---------------|
| 1. Suksesi nga shkollimi i obliguar | (40%) 40 pikë |
| 2. Suksesi nga lëndët prioritare nga shkollimi i obliguar | (20%) 20 pikë |
| 3. Numri i pikëve nga testi | (40%) 40 pikë |

Nxënësi maksimalisht mund t'i fitojë (100 %), 100 pikë.

Kriteri i lëndëve prioritare nga suksesi për gjimnaze dhe shkolla të mjekësisë është që mesatarja e këtyre lëndëve të jetë minimum 4.00 (Së pari llogaritet mesatarja e lëndëve veç e veç për klasat (6-9), pastaj mesatarja e mesatareve të atyre lëndëve)

Kriteri i lëndëve prioritare nga testi për gjimnaze dhe shkolla të mesme të mjekësisë është minimumi 40% i pikëve nga ato lëndë.

1. Nxënësi nga suksesi i përgjithshëm i shkollimit të obligueshëm (kl. 6,7,8,9) mund t'i fitojë maksimalisht 40 pikë.

Formula për llogaritjen e pikëve të suksesit është:

$$\text{Suksesi (kl.6 + kl.7 + kl.8 + kl.9)} \times 2 = 40 \text{ pikë max}$$

Nxënësi nga suksesi i përgjithshëm i lëndëve prioritare, maksimalisht mund t'i fitojë 20 pikë.

$$\text{mesatarja e lëndës (I)} + \text{mesatarja e lëndës (II)} + \text{mesatarja e lëndës (III)} + \text{mesatarja e lëndës (IV)} \\ = 20 \text{ pikë max}$$

• Lëndët me prioritet në sukses sipas drejtimeve të gjimnazeve:

- a. Gjimnazi i shkencave natyrore: Fizikë, Kimi, Biologji, Matematikë
- b. Gjimnazi i shkencave shoqërore dhe gjuhësore: Gjuhë amtare, Gjuhë angleze, Histori, Gjeografi

- **Lëndët me prioritet në sukses sipas profileve në IAAP**

- Shëndetësi, Bujqësi, Teknologji Ushqimore, dhe Veterinari:**
Biologji, Kimi, Fizikë, Gjuhë shqipe dhe letërsi
- Makineri, Elektroteknikë, TIK, Tekstil, Gjeodezi, Ndërtimtari, Xehetari, Gjeologji, Grafikë, Komunikacion, Kimi – Teknologji, PTT:**
Matematikë, TIK, Fizikë, Gjuhë shqipe dhe letërsi
- Ekonomi, administratë:**
Matematikë, Gjuhë shqipe dhe letërsi, Gjuhë angleze, Gjeografi
- Juridik dhe administratë:**
Edukatë qytetare, Histori, Gjuhë shqipe dhe letërsi, Gjeografi
- Tregti, Hotelieri dhe Turizëm:**
Gjuhë shqipe dhe letërsi, Histori, Edukatë qytetare, Gjeografi
- Shkollat Artistike:**
Gjuhë amtare dhe letërsi, Edukatë qytetare, Art, Muzikë

Drejtimi pedagogjik – profili bashkëpunëtor muzikor:

Nxënësi duhet ta ketë të përfunduar shkollimin e obliguar (kl. IX) dhe testin kombëtar.

Drejtimi instrumental:

Nxënësi duhet ta ketë të përfunduar shkollimin e obliguar (kl. IX) dhe shkollën e ulët të muzikës (kl. I-VII), në klasën e VII të shkollës së muzikës mund të regjistrohen vetëm nxënësit që kanë përfunduar shkollën e ulët të muzikës (kl. I-VI).

Të gjithë nxënësit që do të regjistrohen në klasën e dhjetë – duhet t'i nënshtrohen provimit pranues nga komisioni i shkollës.

4. Kriteri i suksesit (notat) në lëndët prioritare për drejtimet përkatëse:

- **Gjimnazi i shkencave natyrore** - Mesatarja e lëndëve: fizikë, kimi, biologji dhe matematikë së paku duhet të jetë 4 (katër), si dhe 40% të pikëve nga lëndët prioritare në test (10 pikë nga lëndët fizikë, kimi dhe biologji),

$$\frac{mes(Kimi) + mes(Biologji) + mes(Fizikë) + mes(Matematikë)}{4} \geq 4$$

- **Gjimnazi i shkencave shoqërore dhe gjuhësore** - Mesatarja e lëndëve: gjuhë shqipe, gjuhë angleze, histori, gjeografi, së paku duhet të jetë 4 (katër) si dhe 40% të pikëve nga lëndët prioritare në test (20 pikë nga lëndët gjuhë shqipe, gjuhë angleze, histori dhe gjeografi)

$$\frac{mes(Gjuhë_shqipe) + mes(Gjuhë_angleze) + mes(Histori) + mes(Gjeografi)}{4} \geq 4$$

- **Shkollat e Shëndetësisë** - Mesatarja e lëndëve: kimi, biologji, fizikë dhe gjuhë amtare së paku duhet të jetë 4 (katër), si dhe 40% të pikëve nga lëndët prioritare në test (10 pikë nga lëndët fizikë, kimi dhe biologji).

$$\frac{mes(Kimi) + mes(Biologji) + mes(Fizikë) + mes(Gjuhë_shqipe)}{4} \geq 4$$

B. Përmbajtja e testit – numri i kërkesave (pyetjeve) sipas lëndëve:

I. Gjuhë

1. Gjuhë shqipe 20 pikë
2. Gjuhë angleze 5 pikë (Gjithsej 25 pikë)

II. Shkencat shoqërore:

1. Gjeografi 12 pikë
2. Histori 13 pikë
(Gjithsej 25 pikë)

III. Matematikë

1. Matematikë 20 pikë
2. Informatikë 5 pikë
(Gjithsej 25 pikë)

IV. Shkencat natyrore:

1. Fizikë 8 pikë
2. Kimi 8 pikë
3. Biologji 9 pikë (Gjithsej 25 pikë)

5. Renditja e lëndëve me përparësi në test sipas drejtimeve të gjimnazeve:

I. Gjimnazi shkencat e natyrës:

- | | |
|--|------------------------|
| 1. Shkencat e natyrës - 25 | 25x 0.8 = 20 pikë |
| 2. Matematikë dhe Informatikë - 25 | 25 x 0.4 = 10 pikë |
| 3. Gjuhë amtare dhe gjuhë angleze - 25 | 25 x 0.3 = 7.5 pikë |
| 4. Shkencat shoqërore - 25 | 25 x 0.1 = 2.5 pikë |
| | Totali =40 pikë |

II. Gjinnazi shoqëror dhe gjuhësor:

1. Shkenca shoqërore - 25
2. Gjuhë amtare dhe gjuhë angleze - 25
3. Matematikë dhe Informatikë - 25
4. Shkenca natyrore - 25

$$\begin{aligned}25 \times 0.6 &= 15 \text{ pikë} \\25 \times 0.6 &= 15 \text{ pikë} \\25 \times 0.3 &= 7.5 \text{ pikë} \\25 \times 0.1 &= 2.5 \text{ pikë} \\ \text{Totali} &= 40 \text{ pikë}\end{aligned}$$

6. Renditja e lëndëve me përparësi sipas profileve në IAAP

I. Shëndetësi, Bujqësi dhe Veterinari

1. Shkencat natyrore - 25
2. Gjuhë amtare dhe gjuhë angleze - 25
3. Matematikë dhe Informatikë - 25
4. Shkencat shoqërore - 25

$$\begin{aligned}25 \times 0.8 &= 20 \text{ pikë} \\25 \times 0.4 &= 10 \text{ pikë} \\25 \times 0.3 &= 7.5 \text{ pikë} \\25 \times 0.1 &= 2.5 \text{ pikë} \\ \text{Totali} &= 40 \text{ pikë}\end{aligned}$$

II. Makineri, Elektroteknikë, Gjeodezi, Ndërtimtari, Xehetari, Gjeologji, Grafikë dhe Komunikacion, Kimi – Teknologji

1. Matematikë dhe Informatikë - 25
2. Gjuhë amtare dhe Gjuhë angleze - 25
3. Shkenca natyrore - 25
4. Shkenca shoqërore - 25

$$\begin{aligned}25 \times 0.8 &= 20 \text{ pikë} \\25 \times 0.4 &= 10 \text{ pikë} \\25 \times 0.3 &= 7.5 \text{ pikë} \\25 \times 0.1 &= 2.5 \text{ pikë} \\ \text{Totali} &= 40 \text{ pikë}\end{aligned}$$

III. Ekonomi

1. Matematikë dhe Informatikë - 25
2. Gjuhë amtare dhe Gjuhë angleze - 25
3. Shkenca shoqërore - 25
4. Shkencat natyrore - 25

$$\begin{aligned}25 \times 0.8 &= 20 \text{ pikë} \\25 \times 0.4 &= 10 \text{ pikë} \\25 \times 0.3 &= 7.5 \text{ pikë} \\25 \times 0.1 &= 2.5 \text{ pikë} \\ \text{Totali} &= 40 \text{ pikë}\end{aligned}$$

IV. Juridik

1. Shkencat shoqërore - 25
2. Gjuhë amtare dhe Gjuhë angleze - 25
3. Matematikë dhe Informatikë - 25
4. Shkenca natyrore - 25

$$\begin{aligned}25 \times 0.8 &= 20 \text{ pikë} \\25 \times 0.4 &= 10 \text{ pikë} \\25 \times 0.3 &= 7.5 \text{ pikë} \\25 \times 0.1 &= 2.5 \text{ pikë} \\ \text{Totali} &= 40 \text{ pikë}\end{aligned}$$

V. Tregti, Hotelieri dhe Turizëm

1. Gjuhë amtare dhe Gjuhë angleze - 25
2. Shkenca shoqërore - 25
3. Matematikë dhe Informatikë - 25
4. Shkenca natyrore - 25

$$\begin{aligned}25 \times 0.8 &= 20 \text{ pikë} \\25 \times 0.4 &= 10 \text{ pikë} \\25 \times 0.3 &= 7.5 \text{ pikë} \\25 \times 0.1 &= 2.5 \text{ pikë} \\ \text{Totali} &= 40 \text{ pikë}\end{aligned}$$

VI. Shkollat Artistike

1. Gjuhë amtare dhe gjuhë angleze - 25	$25 \times 0.8 = 20$ pikë
2. Shkenca shoqërore - 25	$25 \times 0.4 = 10$ pikë
3. Matematikë dhe Informatikë - 25	$25 \times 0.3 = 7.5$ pikë
4. Shkenca natyrore - 25	$25 \times 0.1 = 2.5$ pikë
Totali = 40 pikë	

7. Kriteret specifike për regjistrimin në shkollat e muzikës

a. Drejtimi pedagogjik – profili bashkëpunëtor muzikor:

Nxënësi duhet ta ketë të përfunduar shkollimin e obliguar (kl. IX) dhe testin kombëtar;

b. Drejtimi instrumental:

Nxënësi duhet ta ketë të përfunduar shkollimin e obliguar (kl. IX) dhe shkollën e ulët të muzikës (kl.I-VII);

Në klasën e VII të shkollës së muzikës mund të regjistrohen vetëm nxënësit që kanë përfunduar shkollën e ulët të muzikës (kl.I-VI).

Të gjithë nxënësit që do të regjistrohen në klasën e dhjetë – duhet t'i nënshtrohen provimit pranues nga komisioni i shkollës.

1. Kushtet e përgjithshme për regjistrimin e nxënësve të rregullt në Gjimnazin e Specializuar Matematikor në Prishtinë

Për regjistrimin e nxënësve në klasën e 10-të, në Gjimnazin e Specializuar Matematikor, për vitin shkollor 2025-2026, mund të konkurrojnë vetëm nxënësit e shkëlqyeshëm, të cilët e kanë mbaruar arsimin e obligueshëm dhe nuk janë më të vjetër se 17 vjeç.

Kandidatët që konkurrojnë kanë të drejtë të jenë nga të gjitha komunat e Kosovës, të cilët konsiderojnë se kanë prirje për Matematikë.

Nxënësit, të cilët e kanë mbaruar klasën e 9-të jashtë Kosovës, obligohen ta bëjnë nostrifikimin e dëftesave në MASHTI dhe pastaj të konkurrojnë për regjistrim.

2. Dokumentet e nevojshme për konkurrim

Nxënësit për të konkurruar për regjistrim në klasën e 10-të në këtë Gjimnaz, duhet të paraqesin këto dokumente:

- Fletëparaqitjen (e cila merret në shkollë)
- Dëftesën e fotokopjuar për kryerjen e shkollës së mesme të ulët (6-9) , nëse Konkursi shpallet në të njëjtën kohë me shkollat tjera, në të kundërtën origjinalet dhe
- Ekstraktin e lindjes.

3. Kriteret për regjistrim

Të gjithë nxënësit që do të regjistrohen në klasën e 10-të, duhet t'i nënshtrohen provimit pranues nga komisioni i shkollës.

- Kandidatët kanë të drejtë të jenë nga të gjitha komunat e Kosovës, të cilët konsiderojnë se kanë prirje për Matematikë.
- Kandidatë do t'i nënshtrohen Provimit Pranues.
- Provimi pranues përgatitet, kontrollohet nga mësëmdhënës të autorizuar nga shkolla.
- Kandidatët mund të mos i tërheqin dokumentet nga shkollat ku janë pranuar. Mjafton të sjellin dëshmitë e fotokopjuara. (Nëse konkursi është shpallur në të njëjtën kohë)
- Kandidatët në rangim mund të arrijnë maksimalisht 100 pikë të shpërndara si vijon:
 1. Suksesi i përgjithshëm nga shkolla e mesme e ulët 20 pikë (20%) për secilën nga klasat 6,7,8,9.
 - Për sukses të shkëlqyeshëm merr nga 5 pikë;
 - Për sukses shumë të mirë merr nga 4 pikë;
 2. Suksesi nga lënda e Matematikës në shkollën e mesme të ulët maksimumi 20 pikë për secilën nga klasat 6,7,8,9
 - Për notën 5 në Matematikë merr 5 pikë;
 - Për notën 4 në Matematikë merr 4 pikë;
 3. Suksesi nga testi i arritshmerisë nga lënda e Matematikës, maksimumi 20 pikë;
 4. Suksesi i provimit pranues –maksimumi 40 pikë.

Afati i paraqitjes së dokumenteve dhe shpallja e rezultateve

Paraqitja e dokumenteve për Gjimnazin e Specializuar Matematikor, për vitin shkollor 2025-2026, bëhet prej datës 08, 09 dhe 10 korrik në lokalet e shkollës amë, duke filluar nga ora 9.00-16.00.

Provimi pranues me datën 11.07.2025 në ora 10.00.

Rezultatet për pranimin e nxënësve shpallen në shkollën përkatëse me datën 14.07.2025.